

# **PWYLLGOR GWASANAETHAU DEMOCRATAIDD**

## **Cofnodion y cyfarfod a gynhaliwyd ar 23 Mawrth 2016**

<b>YN BRESENNOL:</b>	Y Cynghorydd Vaughan Hughes (Cadeirydd) Y Cynghorydd Richard O Jones (Is-Gadeirydd)  Y Cynghorwyr Derlwyn R Hughes, R Meirion Jones, Robert G Parry, OBE, Dylan Rees a Dafydd Rhys Thomas
<b>WRTH LAW:</b>	Pennaeth Gwasanaethau Democrataidd Swyddog Pwyllgor (SC)
<b>YMDDIHEURIADAU:</b>	Y Cynghorydd J A Roberts

---

### **1 DATGANIADAU O DDIDDORDEB**

Dim.

### **2 COFNODION**

Cadarnhawyd cofnodion y cyfarfod a gynhaliwyd ar 30 Medi, 2015 fel rhai cywir.

### **3 ADRODDIAD PANEL ANNIBYNNOL CYMRU AR GYDNABYDDIAETH ARIANNOL 2016/17**

Cyflwynwyd – adroddiad y Pennaeth Gwasanaethau Democrataidd ar Adroddiad Blynyddol Panel Annibynnol Cymru ar Gydabyddiaeth Ariannol 2016/17.

Nododd y Pennaeth Gwasanaethau Democrataidd fod gan y Cyngor ddisgresiwn mewn perthynas â thalu Cyflogau Uwch, fel y nodir gan y Panel Annibynnol ar Gydabyddiaeth Ariannol. Dyrannodd y Cyngor 15 o swyddi cyflogau uwch ar gyfer 2015/16, o gymharu â 14 yn 2014/15, gan olygu arbediad o un cyflog uwch.

Mae Arweinwyr Grŵp wedi ystyried yr adroddiad terfynol ac mae'r Pwyllgor Gwaith yn hapus i'r lefelau presennol gael eu talu i Aelodau'r Pwyllgor Gwaith a'r Cadeiryddion.

**PENDERFYNWYD** argymhell i'r Cyngor llawn ar 10 Mai, 2016 iddo gymeradwyo:-

- 3.1.1 Taliad cyflogau Lefel 1 a Lefel 2 ar gyfer Aelodau'r Pwyllgor Gwaith;**
- 3.1.2 Taliad cyflogau Lefel 1 a 2 ar gyfer Cadeiryddion Pwyllgorau;**
- 3.1.3 Taliad cyflogau ar un ai Lefel 1, 2 neu 3 ar gyfer Arweinwyr Dinesig a Dirprwy Arweinwyr Dinesig.**

#### **4 CYNEFINO AELODAU NEWYDD – ETHOLIAD 2017 Y CYNGOR**

Cyflwynwyd - adroddiad y Pennaeth Gwasanaethau Democrataidd ar fframwaith cychwynnol CLILC ar gyfer ymgynghoriad er mwyn cefnogi gweithgareddau cynefino Aelodau newydd yn dilyn yr etholiadau lleol yn 2017. Bydd CLILC yn penderfynu ar lefel yr hyfforddiant gorfodol a'r gefnogaeth angenrheidiol ar gyfer Aelodau.

Nododd y Pennaeth Gwasanaethau Democrataidd fod disgwyliadau Aelodau wedi codi gan fod y gofynion statudol wedi newid ers 2013. Mae'r fframwaith yn awgrymu'r model ar gyfer hyfforddiant yn dilyn yr etholiadau, gydag opsiynau i deilwra hyfforddiant mewn modd priodol ar gyfer anghenion yr awdurdodau lleol. Nodwyd hefyd y byddai Rhwydwaith Cefnogi Aelodau CLILC yn ystyried y fframwaith fis nesaf.

Gwnaed y sylwadau canlynol gan Aelodau yn ystod y drafodaeth:-

- Mae'r gefnogaeth barhaus, sesiynau cynefino a briffio ar gyfer Aelodau newydd ac Aelodau sy'n dychwelyd yn cael eu gwerthfawrogi o ganlyniad i'r disgwyliadau uwch a roddir arnynt.
- Nododd yr Aelodau fod angen hyfforddiant TG pellach mewn perthynas ag iPads, mynediad i Twitter a Facebook ac e-ddysgu.

**Gweithred: Fel yr uchod.**

**PENDERFYNWYD y dylid nodi sylwadau'r Pwyllgor uchod ac y dylid cyflwyno adroddiad pellach ar hyfforddiant Aelodau i'r cyfarfod nesaf.**

#### **5 DYDDIADUR CYFARFODYDD 2016/17**

Cyflwynwyd - adroddiad y Pennaeth Gwasanaethau Democrataidd ar Galendr Blynnyddol Cyfarfodydd y Cyngor ar gyfer 2016/17 a baratowyd ar y cyd â Swyddogion ac Arweinyddion Grwpiau.

Mae'r dyddiadur cyfarfodydd yn seiliedig ar drefnu'r rhan fwyaf o gyfarfodydd rhwng dydd Llun a dydd Mercher gyda sesiynau briffio aelodau'n cael eu trefnu ar gyfer dydd lau cyntaf pob mis.

Yn dilyn trafodaeth, cytunodd yr Aelodau **i'r Pwyllgor Sgriwtini Corfforaethol a'r Pwyllgor Sgriwtini Partneriaeth ac Adfywio barhau i ddechrau am 2pm.**

**Gweithred: Fel y nodwyd uchod.**

**PENDERFYNWYD cadarnhau a chymeradwyo amserlen cyfarfodydd y Cyngor ac adrodd yn ôl i'r Cyngor ym mis Mai, 2016.**

#### **6 GWEFANNAU CYNGHORAU CYMUNED**

Cyflwynwyd – adroddiad y Pennaeth Gwasanaethau Democrataidd ar gyllid Cyngorau Cymuned i gynnig grantiau o £500 i Gynghorau Tref a Chymuned ei wario ar ddatblygiad gwefannau.

Adroddodd y Pennaeth Gwasanaethau Democrataidd fod disgwyliad ar y Cynghorau Tref a Chymuned i baratoi ar gyfer Deddf Llywodraeth Leol (Democratiaeth) (Cymru) 2013, sy'n nodi fod angen i bob Cyngor Tref a Chymuned gyhoeddi gwybodaeth ar wefan.

Nododd y Pennaeth Gwasanaethau Democrataidd fod y Pwyllgor Safonau wedi gofyn i'r Swyddog Monitro ysgrifennu at y 2 Gyngor Tref a Chymuned, nad ydynt wedi hawlio'r grant hyd yma, er mwyn eu hannog i wneud hynny.

**PENDERFYNWYD nodi'r adroddiad.**

Daeth y cyfarfod i ben am 2.35 pm

**CYNGHORYDD VAUGHAN HUGHES  
CADEIRYDD**